

Apriliip 30-at 2024

UPA2024/109

Nunatsinni innuttaasut Danmarkimut nuuttarnerat sunik patsiseqarnersoq misissorlugu Naalackersuisut nalunaarusiorlutik peqquneqarnissaat pillugu Inatsisartut aalajangiiffigisassaattut siunnersuut. Nalunaarusiaq UPA25 nallertinnagu Inatsisartunut agguanneqassaaq.

(Inatsisartunut ilaasortaq Aqqalu C. Jerimiassen, Atassut)

Aqqalu C Jeremiassen Atassummeersup siunnersuutaanut pingaaruteqartumut Siumuminngaanniit qujarusuppugut, tassami innuttaasutta Nunatsinniiginnarnissaat tamatta maani inersuarmiittugut soqutigisarigunavipparput.

Nunatta avataanut nutsernerujussuup unikaallatsinnissaa soorunami paasisaqarfigissallugu soqutiginaratorujussuuvoq, politikikkummi iliuuseqartoqarsinnaanersoq tassuuna paasisaqarfigissagatsigu. Inuilli kiffaanngissusaat taanna imminermiippoq, kisiannili innuttaasuusugut taamak ikitsigaluta arlaannik inuiaqatigiit aaqqissuussaansinnii pitsanngorsaaffissaqassagutta tamanna paaserusunnaqaaq.

Massakkumuinnarmi oqaasiinnartigit tusartakkavut tunngavississallugit pissusissamisoorpoq, ilaatigummi allaat paasisat uissuumminartut ilaat imaammata, nunatta avataani kalaaleqativut 100 missaanniittut ilisimatuujupput ilaalu ph.d.-qarlutik. Tassa nunaqqatigit pisariaqartilluinnakkagut aamma nunaqqatiginagit allamiipput. Tamanna uggornartorujussuuvoq.

Ilaatigit utoqqalisut amerlaqisut nussorput, suliffissaaleqisut amerlasuut nussorput, inissiat, sulinnnginnermusiat, peqqinnissaqarfik ilinniartitaanerlu toqqammavilersuutigineqakkajuttarputtaa. Tamanna ajuusaarnartorujussuaq Siumumiit isumaqarpugut.

Taamaammat Siumuminngaanniit Naalackersuisut oqaaseqaataat taperserparput, Atassummit siunnersuutigineqartoq itigartillugu.

Tassami 3 mio kr.-nik aningaasaliisoqareersoq, suliarlu naammassilersutut oqaatigineqartoq, qaavatigit aningaasalissallugu pissusissamisoortutut isiginnginnatsigu.

Nalunaarusiap saqqummernissaa Siumumiit qilanaaraarput, taamaalilluta nunaqqatigit nunaqavissut erligisagut, atorfissaqarteqigatsigimmi, maani nunaqqatigiinnarnissaannut iliuusissanik sakkussaqaernerulissagatta.

Najaaraq Møller, Siumut